




POP POL I DAI PINIS




Pop Pol i dai pinis long Rom long Sande, Ogas 6. Pop i gat 0 krismas na i dai long haus bilong em klostu long Rom. 'aim em i laik i dai ol sampela pris na bisop i beten wantaim m.

Long piksa hia yu ken lukim Mista Ebia Olewale, Minista ilong Foren Afeas, i bin go lukim Pop long Rom long mun ulai. Pop em i tokim Mista Olewale olsem, em i bin harim lanti gutpela ripot long Papua Niugini na ol pipel bilong en. Na em i askim Mista Olewale long tok save long em long wok

bilong ol Kristen Sios long PNG. Na em i laik save tu, olsem wanem ol Kristen Sios i helpim kantri i go het. Em i salim tok amamas na griting na blesim bilong em long olgeta pipel bilong Papua Niugini.

Nau tasol ol Kadinal, ol bisop i gat pawa long vot, bai ol i kibung long Rom bilong ol bilong makim nupela Pop. Taim ol Kadinal i go insait long kibung bilong ol bilong makim Pop, ol i no inap lusim rom inap long taim ol i makim nupela Pop.



↑ Poto antap long lephan i soim ol sampela studen bilong Buka i redi long mekim singsing long Yunivesiti. Ol i laik wokim singsing long makim namba 18 taim sampela studen i pinisim pinis skul bilong ol long Yunivesiti. I bin i gat 120 studen i pinisim pinis skul long 28 de bilong Julai, 1978. Ol i go aut nau long kisim kain kain wok long helpim kantri yumi gohet.

Toana De - Ol studen na stav bilong Edmin Koles, ol i dres long Nesenel Dres long olgeta Fraide.

Ol i sanap long lephan i go long raithan; Thomas Tekri, Ezekie Lulu, Alois Livuana, Wawa Waia, Ketao Balabu, Apelis Maniot, Kaminiel Palangat, Sandra Paleng, Veronica Kavae, Poruan Sapulai.

Lain i sindaun long lephan i go long raithan; Caspar Nuli, Kelly Poi, Walter Darius, Peter Jonah, Rose Kagai.



NUPELA BISOP BILONG GOROKA



Pop i makim Pater Raymond Ceasar, S.V.D., namba bisop bilong Goroka. Pop i tok bai Pater Ceasar i m kisim ples bilong Bisop John Cahill, taim em i laik sev:

Pater Ceasar i gat 46 krismas. Mama i karim em lo Louisiana long Amerika long yia 1932.

Pater Ceasar i kamap long PNG long yia 1962. En wok long bikskul (seminarij) long Kap na Bomana in long yia 1971. Long yia 1971 em i go wok long Gorok Em i lukautim ol Katolik Studen long Goroka Ti Koles.

Pater Ceasar bai kisim ordo bilong bisop long Gorok long sampela wik bihain.



National weekly in Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111
Phone: 57.1018

Advertising:
In P.N.G.
Penny Donald
Phone: 25.2214

In Australia:
Peter Halse Associates
King York House
32 York Street
Sydney (2000)
Phone: 29.7527
Telex: 21.409

Subscription Rate:
Annual: K8.00.



NUPELA LO BILONG DRING

Minista bilong bosim ol strongpela dring, Misis Nahau Rooney, i bin tokaut long ol pipel long sampela nupela lo bilong bosim dring. Em i laik traim stretim ol trabel i save kamap long strongpela dring. Em i laik putim tripela nupela lo. Tripele nupela lo i olsem:

- 1) Hotel i op long 10 klok moning inap 12 klok nait.
- 2) Hotel i mas salim kaikai wantaim dring.
- 3) Hotel i mas pas long Sande

Dispela tingting bilong Minista i go aut long ol pipel na em i askim ol long bekim sampela tingting i kam bek long em. Planti ol klap, o grup, o bikman, o as ples i bekim tok pinis. Olsem na Wantok i laik autim tingting bilong em long ol nupela lo.

Mipela hia long Wantok i pilim olsem. Namba tu na namba tri nupela lo i gutpela. Sapos hotel i salim kaikai wantaim dring bai man i no ken bagarap kwik. Na tu sapos man i sindaun dring na kaikai i nogat planti trabel i ken kamap long hotel. Namba tri lo long pasim dring olgeta long Sande em i gutpela tu. Sande em i de bilong bikman. I gutpela yumi olgeta man i save givim spes long ol man i laik lotu.

Tasol, namba wan lo i no stret tumas. Mipela i tingting bek long yia 1963 inap long 1973. Long dispela taim ol hotel i op long 10 klok moning inap 10 klok nait. Planti trabel i kamap long dispela taim. Man i ful spak long apinun yet. Man i ripot long hotel long 10 klok moning long Sarere na apim botol i go inap long apinun tru. Ol ful spak na hotel i rausim ol. Ol i lusim hotel na go sanap long bikrot. Ol i singaut bikmaus, pasim ol ka, toktok nogut long ol meri, pundaun namel long rot.

Long dispela trabel tasol gavman i pasim hotel long 2 klok inap long 4 klok apinun. Hotel i pas long 2 klok ol man i mas go bek long ples na kisim win. Dispela kain i givim spes long ol pipel. Dispela we i wok long hapim ol trabel i kamap long spakman. Olsem mipela hia long Wantok i egens long dispela namba wan nupela lo bilong Minista. Mobeta yumi holim olpela lo tasol. Maski sampela man i trabel long blakmaket. Maski sampela man i lusim bikpela mani long baim bia taim ol i bagarap. Wari bilong ol. Polis i stap. Yumi mas tingim bikpela lain manmeri i laik sindaun isi long Sarere na Sande. Yumi mas wok long opim ples bai ol famili i ken go piknik long Sarere na Sande. Bai ol famili i ken lotu long Sande. Bai ol pipel i ken sindaun isi long taim ol i go long pilai. Bai ol man i ken wokabaut long bikrot na i no gat wari.

Las tok bilong mipela i olsem. Mipela i sapatim ol dispela tingting bilong Minista. Wapela lo tasol mipela i no laik. Mipela i pilim ol dispela nupela lo i ken wok long stretim sindaun bilong ol pipel.

LAE I NO GO HET

Lae Siti i no gohet olsem bipo. Planti pipel i no lusim ples moa na go long Lae Siti. Dokta Ronald Skeldon, wapela hetman bilong Yunaitet Nesens i mekim dispela tok long wapela pepa, nem bilong en 'Stori bilong ol Taun long PNG.'

Tupela arapela taun, Madang na Rabaul i pundaun tu.

Dokta Skeldon i tok ol taun long PNG i no gohet olsem bipo. Em i tok taim bilong planti man i lusim ples na go long ol taun i laik pinis nau. Tripela taun, Goroka, Rabaul na Madang i no kisim planti man moa olsem bipo. Tasol Lae taun i luk olsem i daunbilu tru. Dokta Skeldon i tok i luk olsem i no gat planti wok nau long ol taun. Olsem no gat planti pipel i save go long taun nau.

Planti meri tumas i save go long ol taun. Bipo wan wan meri tasol i lusim ples na go long taun. Nau long dispela taim i gat planti. I luk olsem i gat planti kain kain wok bilong ol meri long taun. Olsem planti meri i pinisim skul na lukautim wok long taun.

Dokta Skeldon i mekim dispela ripot bihain long taim em i glasim olgeta namba ol wokman bilong gavman i kisim. Ol i kisim taim ol i raun na kauntim ol pipel insait long wan wan taun.

Bipo gavman i wok long salim mani i go long helpim ol liklik ples nabaut long bus. Dispela ripot i soim program bilong gavman i wok long karim kaikai.

| 1971 | 1977 | | 1971 | 1977 |
|------|------|-----------------------|--------|---------|
| 10.8 | 7.4 | Port Moresby | 69,698 | 106,000 |
| 15.9 | 4.9 | Lae | 34,604 | 45,100 |
| 8.8 | 4.4 | Madang | 13,288 | 20,100 |
| 2.9 | 2.1 | Rabaul | 12,201 | 13,400 |
| 78.4 | 3.0 | Arawa (Kieta-Panguna) | 13,449 | 16,463 |
| 9.8 | 4.4 | Goroka | 7,719 | 9,594 |
| 4.0 | 6.4 | Popondetta | 4,132 | 6,000 |
| 5.9 | 7.0 | Kavieng | 2,846 | 4,390 |

Long piksa hia long raithan yu ken lukim namba tru bilong ol manmeri i stap long ol bikpela taun. Long lephan yu ken lukim mak bilong dispela namba (ol i kolim pesen). Bikpela mak i olsem namba i go antap hariap, liklik namba i olsem namba bilong ol pipel i wok long go antap isi isi.

PNG long Kanada

Tupela boksa bilong PNG, Mista Jack Eki na Mista Tumat Sogolik i go pinis long Edmonton, Kanada long Komonwelt Gems.

Ol i laik taitim bun wantaim ol sampela boksa bilong planti arapela kantri. Jack Eki, wapela saiden bilong Ami, i gat 31 krismas na as ples bilong em Milne Bay. Jack em i save pait wantaim ol lain boksa ol i kolim flaiweit. Tumat Sogolik em i save pait wantaim ol lain boksa ol i kolim bantamweit. Tumat i bilong Nu Ailan.

Moa long 48 kantri bai i salim ol spotman bilong ol i go long dispela bikpela pilai. Pilai hia i pinis long Ogas 12.

Inap nau PNG i no bin winim wapela metal long Komonwelt Gems.

ASKIM NA BEKIM

Mipela hia long Wantok i save kisim planti pas i kam long ol pipel. Olsem nau mipela i laik kirapim wapela nupela wok long Wantok Niuspepa. Dispela nupela wok yumi kolim "Askim na Bekim".

Askim na Bekim bai wok olsem. Sapos yu gat wapela wari o wapela askim, orait, yu ken i kam long Wantok. Na Wantok bai i traim bekim askim bilong yu. Bai mipela i ken askim ol saveman nabaut nabaut hia long Mosbi na bekim askim bilong yu.

Maski wanem kain wari bilong yu. Salim pas i kam na mipela bai wok long bekim pas na pinisim wari bilong yu. Salim pas i kam long

Askim na Bekim
Wantok
Box 1982,
Boroko.

PIKSA BILONG BIKMAN

Dia Edita - Mi laik autim liklik wari bilong mi. O yes wanpela taim wanpela wantok bilong mi i bin go baim skon long Vokesenel skul bilong ol meri long Alexishafen. Na taim em i baim pinis ol i bin karamapim dispela skon long Wantok Niuspepa.

Na long dispela pepa i gat poto o piksa bilong Michael Somare i stap long en. Em i gutpela pasin o nogat? Mi ting dispela ol meri i no save long wanpela samting tru.

Sapos yu bel hat o kros long dispela man o meri, orait yu ken traim long bagarapim poto o piksa bilong em. Sapos yu gutpela kristen, orait yu putim gut i stap. Na nau mi laik askim Nesenel Palamen em gutpela pasin o nogat? Mi ting em i no stret tru long ai bilong mi.

Em tasol. Tenkyu. Sapos yu husat laik bekim pas bilong mi, em i orait tasol.

Engelmudus S. Amnor, Madang.

PASINDIA NOGAT WOK

Dia Edita - Mi gat wanpela wari na tu mi save lukim long ai bilong mi stret. Mi laikim Wantok mas printim na ol man wantok, kandere na wanpisin o wansolwara mas ritim. Wari bilong mi i go olsem. Mi save lukim planti Papua Niugini man save pulap long olgeta taun.

Orait long de taim ol man save bilas gut tru na pen i pulap long poket na long soks tu. Tasol ol dispela kain man ol i no gat wok bilong ol na ol pasindia ol i trikim ol plis na painim wok. Tasol wantok bilong em i wok mani na i gat haus bilong em wantaim meri pikinini bilong em.

Na tu dispela wokman em i wok tasol i no gat planti mani long givim dispela pasindia man. Em wok long wetim fotnait na isi long dispela hamas mani i stap long poket bilong

em. Em inap long baim kaikai bilong meri na pikinini i go i go inap long narapela fotnait.

Tasol yu dispela pasindia man, yu i kam sotim kaikai bilong ol famili. Na tu taim tambu o wantok bilong yu i kisim fotnait em bai tingim yu long poket mani na painim wok. Tasol yu i go spak long dispela mani wokman i bin givim yu long en. Taim yu spak pinis em yu kamap olsem wanpela wokman o mani mani tru.

Na inglis bilong yu i no pilai wok long brukim bus yet. Long neks de o moning, taim bilong yu long painim wok yu i no painim. Yu stap long haus bilong tupela marit ya na ai slip na hangre i stap. Wokman bai painim ol mani famili bilong em o yu? Na em i no ken putim sampela mani long pasbuk bilong tupela wantaim pikinini long bihaintaim. Wantok yu mas ritim dispela leta na sem o nogat. Sapos yu sem okei yu go long ples na pulim soks i go daun na haitim pen na wokim gaden long ples. Nogut yu stap long taun na sotim mani bilong wokman. Na tu i no ken kam long taun taim gotnait bilong tupela. Nogut yu kam na gigman tok mi gat trabel olsem long ples na mi kam.

Maski long giamanem ol maritman long taun. Na tu yu i no ken pulim meri bilong yu i kam long taun na lusim meri long haus bilong wantok na yu i go painim wok.

Em tasol wari bilong mi i go long ol pasindia i no gat wok na raun nating long taun. Ol pasindia man mas ritim na pilim.

Peter Yembe Hassi, Panguna/N.S.P.

BAGARAPIM DRAIVA

Dia Edita - Wanpela samting i olsem em i no gutpela long ai bilong mi. Mi lukim na ol man i mekim olsem. Draiva i no tok yes na mi lukim na ol i save kalap nating long ka.

Na tu ol yet i sindaun

kranki na ol i bagarap na bihain ol i paitim draiva wantaim ol lain bilong em na bagarapim ka wantaim na kilim ol i dai nating. Olsem na mi kros liklik long dispela. Husat yu gavman yu harim gut na stretim. Em tasol.

Martin Rouskoll, Wabag/Enga

KAVING I NO STRET

Dia Edita - Mi laik autim liklik wari bilong mi i go long ol man bilong wokim kaving. Wari bilong mi i go olsem, ol man i sapim kaving i gutpela. Tasol ol i save wokim piksa bilong sem bilong man o meri antap long kaving na em i no gutpela long sanapim long namel long taun o siti.

Bilong wanem gavman na misin bilong PNG i tambu long as nating piksa. Buk o komik nogut bilong narapela kantri save salim long kantri bilong yumi PNG. Olsem yumi mas tambu long putim piksa olsem sem bilong man na meri antap long kaving.

Em tasol wari bilong mi. Sapos husat wantok yu laik sapatim o bel kaskas, orait salim pas tasol long Wantok Niuspepa na mi ken lukim.

Yambing Merrah, Lae.

NO KEN PINISIM PROVINSAL GAVMAN

Dia Edita - Yu inap givim liklik spes long mi long putim liklik wari bilong mi. Wari bilong mi i go olsem. Mi save ritim Wantok nius na tu mi ritim nius bilong Sarere, 15 Julai 1978. Na mi lukim wanpela nius i go olsem. Primia bilong Simbu, Mista Siwi Kurono i bin tok egensim Lida Bilong Oposisen, Mista Iambakey Okuk. Mista Okuk i tok i no laikim provinsal gavman. Na em i tok bai pinis na i mas i gat 4-pela rijonal gavman tasol.

Em ol Hailans, ol Nam-

bis, ol Ailan, na Papua. Mi ting dispela tingting bilong Mista Okuk i no gutpela tumas long katkatim yumi nabaut. Mipela pipel insait long kantri i save wari tru long dispela kain pasin ol gavman lida i save mekim dispela kain pasin o toktok.

Mi laik sapatim Mista Siwi Kurondo long em i toktok egensim Mista Okuk. Dispela em i no lukim provinsal gavman. Mi askim yupela gavman lida long no ken seperetim ol pipel. Long wanem yumi kisim independens i min olsem yumi bung wantaim o aebou. Dispela hap tok i bikpela moa long yumi ol pipel bilong Papua Niugini.

B. Waka, Hoskins/W.N.B.P.

Salim ol pas i kam long:

WANTOK BOX 1982 BOROKO

MAS VOTIM MAN PASTAIM

Dia Edita - Mi wanpela president bilong Lokal Gavman Kaunsil bilong Porgera Sab Provsins. Mi bungim maus bilong olgeta pipel bilong Enga. Na wari bilong mipela i go olsem. Mipela i laikim gavman mas tok orait long provinsal gavman, orait tingting bilong mipela Enga Provsins.

Mipela laikim ileksen i mas kamap. Na mipela pipel yet i votim. Nogut long ol kaunsil yet i makim Enga Interim Provinsal Gavman na bihain ol pipel i toktok planti na trabel i kamap. Olsem na mipela Enga Provsins i laikim long votim husat man long sanap olsem kendidet. Orait mipela vai votim tasol. Na mipela i laikim ileksen i kamap long 1979. Husat man i laik ansa long kwesten bilong mi. Em i orait. Em tasol. Tenkyu.

Mista Puluk Poke, Porgera/Enga

I NO MOROBE ATING

Dia Edita - Mi laik bekim pas bilong Mista Paulu Benata. Em i bin tok a ples Lae, i no painim K long bus. Em ol narapel provins. Wantok sik V.D. save kamap stret long a ples meri Morobe. I n long sampela provins.

Long ai bilong yu ol luk i no K2.00. Wantok no ken haitim ol meri Morobe olsem ol bai tok mepela stretpela meri.

Em tasol liklik bekim bilong mi. Sapos yu laik bel im dispela tok gen, orait rait i go long Wantok Niupepa. Na mi ken lukim.

Karida Ausin Pangun

WOK BILONG BIKMAN

Dia Edita - Mi laik autim wari bilong mi i go long Katolik Misin long Simt Provsins. Planti taim r lukim ol yangpela pater i bruder, oltaim ol i no tir long wok kontak bilong c

Mi lukim na oltaim ol go long banis bilong meri na ol i tok gris i st: olsem 4 o 5 aua long bar bilong ol yangpela me. Na sampela taim ol i sin autim ol i kam na rat wantaim ol long ka bilong ol.

I gutpela tasol mi tir dispela i no stret long ai bilong ol pipel. Nau harim Yupela ol dispela ka man, yupela save meki lotu long ai bilong ol pipel o nogat. Ol pipel i save y dispela man pinis. Yu tir yu stretpela man na sana namel long ol man na autim tok bilong God long man.

Tasol ol pipel i no biha long tok bilong yu. Plis yangpela bruder na pat traim na lusim ol dispela kain pasin nogut. Tru tas yumi man bilong grau. Nogut tingting nogut kirap na nogut yu lusim c geta wok bilong God pap.

Plis yu dispela pater i bruder harim na lusim dispela pasin nogut bilong yu pela.

Peter K.K. Kaup Mingende, Simb

NIUS I KAM LONG PROVINS



NU AILAN NIUS

KOS LONG JEMANI ↑

Poto i soim Mista Patilai Pitol bilong Bakan Viles lostu long Namatanai ong Nu Ailan. Em i bin go ong biktaun Berlin long antri Jemani long Yurop ilong kisim wanpela pesel kos. Long dispela

kos ol i laik skulim ol man i save trenim ol arapela man. Kos i stat long 29 Julai na i go inap 20 Ogas.

Gavman bilong Jemani i bin baim rot bilong Mista Pitol na skul bilong em.

Mista Pitol i gat 29 kris-mas. Mama i bin karim em long de namba 22 bilong Ogas long yia 1949. Em i marit. Na i gat wanpela pikinini.

Mista Pitol em i save wok olsem bikpela tisa long Edministretiv Koles long Port Moresby, we gavman i save trenim olgeta opisa bilong em. Em i save skulim ol opisa long ol pasin bilong bosim ol publik sevani i save wok long kain kain opis bilong gavman.

'E BILONG KOPRA I GO ANTAP

Long namba wan de ilong mun Ogas prais bilong ol kopra insait long PNG i bin go antap inap 14.00 long wan wan tan.

Em hia prais bilong ol opra long ol bikpela aun:

lamba Wan (Hot Air) 238.00 long wan wan an.

lamba Tu - (F.M.S.) - 235.00 long wan wan an.

lamba Tri - (Smoke) - 233.00 long wan wan an.

Long Buka na Namatai pe bilong kopra i aumbilo liklik, olsem 20.00 long wan wan tan.

Kopra Maketing Bot long PNG i bin tokaut olsem, ol i bin apim pe bilong kopra long wanem, prais bilong kopra long Wol Maket i bin go antap long mun Jun yet.

MOROBE

YC KOS BILONG SKULIM OL LIDA

Long 10 inap 14 Julai i gat 20 spesel kos bilong trenim na skulim ol lida. Dispela kos ol i bin mekim long Lae.

Hetman bilong bosim ol dispela wok YC long PNG, em Pater Vince Ohlinger, SVD. Na em i laik nau bai ol dispela lida i go bek long provins bilong ol na kirapim tu wanpela kos bilong tisim ol lida.

MADANG

OL LOKAL KATOLIK PRIS KIBUNG

Ol lokal Katolik pris i bin kibung inap wan wik long mun Julai long Alexishafen klostu long Madang.

Ol i bin tingting na stretim tok long 5-pela samting insait long Katolik Sios na wok bilong ol:


(a) Ol Papua Niugini yet ol i sios. . . ol lida long sios. . . Nesenel Katolik Kaunsil bai wok olsem wanem wantaim ol lokal pris. . . na i gat wanem tok long makim moa lokal bisop?

(b) Wok bilong ol pris: . . . wok bilong pris long skul o kalabus o ami. . . i orait long pris i ken mekim wok politik o nogat. . .

(c) Sampela wari bilong pris: em i stap longwe tumas long ol arapela pris, em i no save rit na harim redio na nius tumas; inap long sios i ken yusim ol man i lusim pris pinis.

(d) Ol wari bilong ol marit.

(e) Pasin bilong trenim ol katekis na lida; wari bilong ol yangpela pipel insait long ol taun.



Kirap long lephan long namba wan lain: Pater Philip Norrie, Pater Sam Miyon, MSC, Pater Donasiano Hitee, Asbisop ToPaivu, Pater Peter Kurongki, Pater Owen Ani, MSC, Pater Tobias Malangen. Long lain namba tu: Pater Joseph Bausina, Pater James Tuikum, MSC, Pater Albert Tuat, Pater Ambrose Kiapseni, MSC, Pater Louis Ambane, Pater Franz Karun. Long namba tri lain: Pater Benedict His, Pater Luke Matlataria, MSC, Pater Michael Marai, Pater Mark Wom, Pater Cyril Hally (Australian Columban), Pater Cherubim Dambui, Bryan Cosgrove (Australian Columban).

Long lain bihain tru: Asbisop Arkfeld, Pater Dick Wolff, Pater Lawrence Hotomo.

MOROBE

NUPELA HAUS BILONG SPEA PAT →


Long namba 3 de bilong un Ogas, Jeneral Menesa ilong Ela Motors, Mista David Robinson, i bin pim bikpel haus bilong utim ol spea pat bilong ol a long Lae.

Dispela spea pat haus i in kostim K385,000 long wokim. Na insait long en i at 27,000 tausen kain ain spea pat bilong Toyota ka. Em Ela Motors na lens Filip i save salim. Ela motors yet em i wanpela bikpela kampani bilong alim Toyota ka long Papua Niugini.

Mista Robinson i tok, ol dispela spea pat i bin kostim wan milion kina, na i luk olsem bihaintaim bai isi, o i no hat long odaim ol spea pat bilong ka.

Na tu em i tok, 7-pela arapela opis bilong Ela Motors long ol arapela provins bai inap long salim teleks, o telipon long odaim ol spea pat insait long 5-pela aua tasol. Dispela bikpela haus i bin kisim ples bilong 5-pela liklik spea pat haus long Lae yet.





Strong Tru.

HUSKY DYNA

Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.

TOYOTA

BRANCHES
AT:

PORT MORESBY
25 4088

LAE
42 2322

MT. HAGEN
52 1888

ELA MOTORS LIMITED

MADANG
82 2188

RABAU
92 1988

KIETA
95 6083

WEWAK
86 2255

GSP ET 013P



THE INVESTMENT CORPORATION OF PAPUA NEW GUINEA



*Long poto antap yumi ken lukim sampela man bilong
Tari long Saten Hatlans i sanap holim winmani ol i bin kisim
long Invesmen Koporesen ofis klostu long ol.*

BAIM SEA LONG INVESMEN KOPORESEN
BILONG PAPUA NIUGINI

*na bai yu kisim winmani bilong wanpela
bikpela bikpela kampani tru*

Sapos yu laik save moa long we bilong kisim
winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:

MAN I SAVE SINGAUTIM OL SAK

Wanpela lapun i sindaun long wesana i stori long ol. Em i no save em i gat hamas smas. Na em i no save moa hamas sak em i bin hukim. Ating planti tausena. Em i tok em.

Man ya em i Mista Nason Takau. Maski long hamas sak em i bin hukim. Tasol pasin ong hukim ol, em narapela samting na i gutpela stori.

Mista Nason Takau, em i ong Lavongai viles long i Ailan. Em i stori olsem ig sampela ripota long sin bilong hukim ol sak.

Sampela taim mi save sim strongpela laik long hukim sak. Mi no save spela laik i kamap we. Ating samting olsem wanpetaim long wik em i save m. Orait, sapos mi laik di, mi mas hait i stap in it long haus bilong mi ap 24 aua. Long dispela im mi mas stap longweng ol meri. Mi mas lukt bai lek bilong mi i no ungutim doti samting, sem pekpek o blakpela aun. Nogut ol sak i smel i smel bilong dispela mting na i no inap harim igaut bilong mi.

Long dispela taim mi wokabaut tasol nabaut sait long haus na meri long mi i bringim kaikai i m long mi.

Bihain dispela taim i

pinis, orait, mi wantaim ol wantok mipela i go long nambis na subim kanu bilong mi i go daun long solwara.

Bilong singautim ol sak, mi yet mi go daun long solwara na mi kirap paitim ol sel kokonas. Na mi statim wanpela singsing hait long tok ples bilong mipela. Sak i harim dispela wanpela singsing hait long tok ples bilong mipela. Sak i harim dispela singsing bilong mi, orait, nau em i kam kamap klostu long mi. Nau mi soim abus long em. Abus ya em i wanpela smolpela pis.

Orait, nau mi pulim dispela abus i go isi isi long hap we mi holim wanpela ring kanda. Sak i kam insait long ring, nau mi taitim ring na kalabusim sak. Nau sak i kirap pait nabaut na i kros.

Tasol nau mi kirap tok-

tok isi wantaim em long tok ples Kara, na mi mekim kol bel bilong em. Isi isi mi wokabaut wantaim sak i go long hap bilong kanu. Kamap klostu pinis, orait, nau ol wantok i paitim het bilong sak wantaim wanpela hama diwai ol i kolim kamumbeo. Ol i sutim em leng spia tu, na pulim i kam antap long kanu.

Insait long wanpela de mi inap hukim 10-pela sak, inap long pulimapim kanu olgeta. Longpela bilong wan wan sak em inap long 6 fit samting.

Namba wan kaikai bilong ples bilong Nason Takau em sak tasol. Ol i smokim long paia o mumuim.

Dispela man Nason Takau em i narakain man tru. Maski em i go insait long wara na hukim planti tausena sak pinis, i no gat wanpela sak i bin putim mak long bodi bilong em.



Poto antap i soim wanpela wantok i winim taur. Ol i kisis sak pinis.

Poto daunbilo i soim Mista Nason Takau i holim ring kanda i gat sel kokonas long em.



BEKIM TOK BILONG MINISTA



Dia Wantok,

1. Nating gavman i wari tumas long dispela samting. Graun bilong yumi i no sot. Na man i no pulap yet. Nating long wan wan hap graun i sot liklik. Tasol long graun, gavman i mas tingim gut na wokim. Nating gavman i laik wanpela kantri i kisim ples bilong yumi, sapos ol i laik mipela i pinis long karim pikinini.

2. Mi ting i gutpela sapos

ples i gat planti pikinini. Long ol pikinini em i samting bilong tupela marit em long man na meri. Tupela yet i makim namba bilong pikinini bilong ol. I no samting bilong gavman. Mi wanpela papa tu. Mi laik save, gavman i kisim tingting bilong makim pikinini we?

3. Pasin bilong pasim bel i no gutpela tru. Tumbuna bilong mipela i gat dispela rot tu. Tasol i no planti, wan wan tasol. Na sampela

rot i notu tru i save bagarapim bel bilong ol meri. Nau yumi save lo bilong bodi bilong mipela. Na mipela i ken bihainim.

Mipela i no pik na dok na i no gat tingting. Mipela i man i gat tingting. Na ol dokta, sista, i laik pasim bel bilong ol meri. Dispela i egens long lo bilong God. Yu save katim manmeri no gat sik. Nogat. Yu save katim manmeri i gat sik tasol.

Dispela i no mi wanpela man tasol i rait. Mipela i makim planti famili i gat wari long dispela.

Laz Kaimong,
Bogia/Madang.

Dia Wantok,

Sori, wantok. Ating tok bilong yu i no tru. Sori ol bikman long ples i no amamas tumas long dispela tok bilong yu.

Sori. Ating yu laik kamap bikman nau na yu

laik amamas long yu yet. Ating yu laik mekim rabisim mipela ol pipel tru, a?

Sapos yu laik wokim olsem, orait yu ken wokim long ples bilong yu yet. So ating olsem yu stap long ailan na yu nogat graun. Orait yu ken kamautim bol bilong yu yet wantaim ol lain bilong ples bilong yu yet.

Sori, ol katolik sios tu i no gat lo long dispela samting. So em tasol tok bilong mi.

Gabriel Sause,
C.M. Pes/W.S.P.

Dia Wantok,

Mi wanpela meri mi laik autim wari bilong mi i go olsem. Mi bin ritim Wantok na mi bin ritim dispela toktok long gavman long karim planti pikinini. Gavman i tingting planti, nogut yumi nogat inap graun.

Em i gutpela tingting bi-

long gavman i toktok lo stopim bel bilong ol me. No ken karim pikinini Sapos ol i pini long ha sik ol i save pilim bel i pe Sapos meri i laik wokim lik bel bilong meri bai pe Dispela em mipela i amamas long katim bel pasim bel long no ken karim pikinini.

Tasol bai yumi meki wanem. Yumi olgeta long graun. Wanpela tase bosim yumi olgeta. God em as long yumi. Tasol yumi ol papamama nati yumi redi long God askim em long dispela wan long pasim bel.

Yumi pilim pen long pikinim bel long wanem em yu i putim meri na givim pikinini long bel bilong me. God yet i putim meri i givim pikinini long bel bilong meri. I no samting bilong yumi. Em i samting bilong God.

Misis Serah Wae
Nabata/Rabau

EVINRUDE

NAMBAWAN AUTOBOT MOTO

6H.P 15H.P 25H.P 35H.P

PLANTI SPEA PAT I STAP

PRAIS I DAUNBILO NAU

BAIM TUDE LONG

BOROKO MOTORS

And Subdealers



WIN LONG STRONG



Massey Ferguson Trakta — i win long strong bilong em long olgeta hap bilong graun.

Long 182 kantri bilong graun, ol saveman i baim Massey-Ferguson trakta. Watpo? Bikos ol i save pinis, dispela kain trakta i redi oltaim long mekim strongpela wok. Em i save wok hat tru, na em i isi long lukautim. I gat planti kain kain trakta, bilong olkain bikpela na smolpela wok.




Sapos yu tingting long baim wanpela trakta, mobeta yu go long Ela Motors long hap bilong yu na yu yet yu draivim na traim dispela Massey-Ferguson trakta pastaim. Ating bai yu pilim em i samting tru.

Yu wari long ol spea pat?
Yu wari long mekenik bilong fiksime?
Yu no ken wari. Olgeta bisnisman bilong PNG i save pinis, Ela Motors i win long dispela kain wok bilong lukautim olgeta ka na trak na trakta em i salim.



GSEM 18



1. Taim bipo. Long gut taim Nogat dring. . . . nogat lo.

1880-1962 Masta tasol i save dring. Ol pipel i tambu.



4. 1970-1971

Ol pipel i trom K18 milien (18,000,000) kina long baim bia. Gavman i wari long ol trabel i kamap long dring. Olsem gavman i kirapim wanpela komisin bilong raun long olgeta taun na ples insait long PNG. Dispela komisin i harim tektok na tingting bilong olgeta pipel.

1975-76 Ol man i tromoi K40 milien (K40,000,000) kina long baim bia.



6. 1974

Komisin bilong raun long askim ol pipel long tingting na wari bilong ol long dring i ripot long gavman. Long mun Janueri gavman i wokim nupela lo long dring. Hotel i op long 10 klok moning i go inap 2 klok long apinun. Na op gen long 4 klok apinun i go inap 8 klok nait. Ol botol sop i pas long 6 klok apinun.



2. Novemba 1962

Dring i op. Ol mahmeri i winim 18 klok moning inap 10 klok nait.

Novemba 1963

Dring i op olgeta. Ol pipel i ken

OL LO BIL

Stori bilong

Ol piksa long dispela tupela pes i autim stori bilong ol lo bi

Long taim bilong tumbuna yumi no gat dring, olsem i no gat wanpela wari o hevi i kamap long dring. Ol tumbuna i bihainim stret ol lo bilong ples na wok long kamap lain bilong ol na ples bilong ol.

Long taim ol waitman i kamap long PNG long yia 1962, i gat strongpela tambu tru long ol lokal pipel long i no ken dring. Ol masta o waitman tasol i save sindaun long hotel. Ol masta tasol i apim botol. Ol masta tasol i gat klap bilong dring na amamas. Long dispela taim sapo ol polis i painim sampela boi i dring o spak nabaut ol i bringim em stret long kot. Long wanem, bikpela tambu i stap. Tasol planti man i hait na dring. Ol i no inap painim planti bia o Johny Woka, tasol ol i mekim save long dringim spirit. Sampela i dring tumas na bihain ol i dai pinis.

Long 1950 inap long 1962 planti man i wok long traim opiim rot long ol pipel long baim bia na dring long hotel. Ol i hat wok na long 1962 gavman i orait long ol pipel i ken dring. Tasol ol i mas dring long ol hotel tasol. Tambu long dring long ples o long narapela hap.

Long 1963 gavman i opim dring olgeta na ol pipel inap dring long ples. Long dispela taim nogat planti trabel i kamap long dring. Ol hotel i op long 10 klok moning inap long 10 klok nait long dispela taim.

I gat kain kain trabel i kamap bihain. Ol man i spak nabaut. Ol i pait. Ol i bagarapim marit bilong ol. Ol pikinini i hangre nabaut. Planti ripot i kamap long gavman na gavman i kirapim wanpela komisin bilong raun long ol geta ples na askim ol pipel long ol tingting na wari bilong ol.

Dispela komisin i raun long wan wan taun na kisim tingting bilong ol pipel. Ol i mekim bikpela wok tru. Planti pipel i raitim pas i go long komisin. Planti manmeri i kamap long kibung bilong ol. Bi-hain long lukluk raun bi-dispela komisin ol i wokim wanpela bikpela ripot na salim i go long namba wan gavman.

Gavman i glasim dispela ripot na wokim wanpela nupela lo long traim mekim dai ol dispela trabel. Ol i tok ol hotel i no ken op moa long 10 klok moning inap 10 klok nait. Hotel i ken op long 11 klok moning inap 2 klok apinun. Na long 2 klok ol i



dring long hotel. Long haus i tambu. Hotel i op long 10

g hotel o klap o long ples.

ING DRING

ig long PNG

ig hia long PNG.

mas pas inap long 4 klok. Ol i mas givim spes long ol man long kisim malolo.

Gavman i wokim sampela arapela lo moa long dispela bilong traimek-im dai spak pasin.

Tasol trabel i stap yet na long 1976 gavman wantaim SP ol i kirapim wanpela wok moa long traimek-strefim trabel. Dispela wok ol i kolim O.M. (Operesen Moderesen). Ol i i traie hat long grisim ol man long dringim wan wan botol tasol taim ol i go long hotel o long haus.

SP i tromoi K150,000 long helpim dispela wok na long baim notis o tok-save long niuspepa. Tasol planti pipel i ting dispela we i no rot tru bilong pinisim pasin spak. Olsem na gavman i kirap na pasin dispela wok long mun Jun, 1977.

Long 1977 gavman i traimek narapela rot gen na tambuim dring long olgeta Fonde. Ol i wari long planti wokman i kisim foitnait pe na ol i no lukim haus liklik. Ol i sut stret long hotel na pinisim pe bilong ol. Meri na pikinini i stap hangre. Meri na pikinini i kraie i stap. Dispela tambu, i stap yet.

Narapela trabel i kamap long dring em hia. Taim ol man i raun long balus bi-

long Air Niugini, ol i baim dring na spak nabaut. Sampela trabel i kamap long balus. Ripot i go long gavman na gavman i tambuim ol strongpela dring long balus. Ol i tambuim long mun Mas, 1977.

Long mun Mas, 1977, gavman i tambuim ol kampani long putim edvetais o nem bilong ol long niuspepa. Ol i no laik tru bai kampani i grisim ol pipel long baim dring. Long dispela mun Ogas tasol gavman i tambuim ol kampani long salim bia long katen. Ol i mas brukim katen na ol pipel i ken baim 6-pela botol o 12-pela botol long wanpela katen. Gavman i laik bai ol pipel i baim planti bia. Ol i laik bai ol i baim isi isi tasol.


Em tasol stori bilong ol dring insait long PNG. Wari i stap yet. Pasin spak i go yet. Trabel i no pinis. Olsem gavman i laik wokim ol sampela nupela lo gen. Minista i salim tok i go aut pinis (lukim pes 3) na askim ol pipel long beki bekim sampela tok i go bek long em. Sapos yu wanpela man i laik givim sampela toktok long Minista yu ken salim pas i go long.

Liquor Licensing Commission
P.O. Box 6-76,
Boroko.



3. 1963-1970 Dring i op pinis na planti trabel i kamap long olgeta taun long PNG.

Sampela ples i bagarap long dring.



Long mun Me, nupela haus bia i op, San Migueul o Swan. SP i kirapim resis tru wantaim San Mig long grisim ol pipel long baim SP. SP i tromoi K112,500 long grisim ol man long baim bia bilong ol.



Tambu long dring long Fonde long Mosbi. Tambu i go aut long olgeta Provins long mun Epril. Planti man i go spak long hotel long foitnait bilong ol na gavman i laik pasim dispela kain pasin. Olsem ol i pasim dring long gavman foitnait. Bihain ol i pasim long olgeta Fonde.

YUMI AMAMAS LONG COKE

TRADE MARK REGD



COCA-COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA-COLA COMPANY.

HRME 015.6365

PRE BILONG WANPELA MERI I GAT MAN I SAVE SPAK

God Papa,

Nau mi gat wanpela bikpela wari tru long tokim yu. Lukim man bilong mi i save spak planti taim. Em i gat wok, na taim em i kisim mani em i no save tingting long mi na eol pikinini bilong em. Nogat. Em i save lusim olgeta mani bilong em long bia na olkain strongpela dring i save mekim ol man i spak na longlong. Em i no save baim kaikai.

Mipela i save hangre tasol. Na lukim, mi no gat gutpela klos. ol i bruk nabaut na i doti. Ol pikinini tu i no gat gutpela samting. Na man bilong mi i save kros nating long mipela.

Long God, helpim mi long karim dispela hevi, nogut mi pundaun na brukim marit bilong mitupela. Long ai bilong sios mi promis pinis long stap wantaim em long gutpela taim na long taim nogut. Marimari long mitupela. Givim gutpela tingting long man bilong mi na helpim mi tu.

Bambai mi painim gutpela rot bilong helpim em long pinisim dispela pason nogut. Plis, mekim mitupela i stap gut gen.



St. Joseph's Junior Tech.,
P.O. Box 236,
Lae.

Arawa
P.O. Box 1023
Bougainville.

Mista Patrick Nakha
Mista Fuleg Bagia
Mista David Akom
Mista August Bame

John Raka (20)
Patrick Yagari (17)
Leo Kurigi (17)
Naitane Kaki (15)

PNG Defence Force
HQ Murray Bks Area,
Free Bag Boroko

E.B.M.
Tongo River
P.O. Box 8
Mendi.

Philip Pupang (20)
Thomas Kirua (20)

Mista Koki Tomba

TAMBU TORO





Poto i soim mama i givim kaikai long liklik pikinini. Taim yu givim kaikai long pikinini yu no ken hariap. Yu mas wok isi isi.

GUTPELA KAIKAI

Gutpela kaikai, gutpela kain kaikai i mekim ol pikinini i kamap strongpela, na mekim ol i bel gut.

Bikpela wok bilong ol pikinini em i bilong kamap bikpela, bilong gro. Ol i wok long kamap bikpela manmeri.

Na olsem wanem yumi inap helpim ol i gro gut na strong? Yumi mas givim gutpela kaikai long ol tasol.

Em i no samting bilong givim planti kaikai long ol tasol. Nogat. Yumi mas givim gutpela kaikai, kain kaikai i gat wok long strongim ol.

Ating yu lukim pinis lon long ples, olsem wanem ol pikinini i luk strong na i no save painim planti sik. Em i bikos ol i kisim planti gutpela kaikai. Ol pikinini i mas kaikai planti kain samting bilong gaden. . . . olsem grin lip, sayor, pruf, popo, mango, painap na pinat. Na tu ol i mas kaikai mit na pis.

Na ating yu lukim tu long ol biktaun ol pikinini i no luk strong. Planti i longpela bun nating, o i smolpela tumas na i no gat strong bilong ol. Em i bikos long taun ol mama i



Poto antap i soim pikinini i kisim gutpela kaikai. Pinat em i wanpela gutpela kaikai tru.



no givim gutpela kaikai long ol. Ol i kisim olkain kaikai bilong tin tasol na i no gat gaden bilong ol. Ol dispela kain pikinini i save dai hariap tumas sapos sik i painim ol.

Olsem ol mama i mas wari na lukaut bai ol pikinini bilong ol i gat inap gutpela kaikai, bai ol i kamap strong, sik i no inap daunim ol, na ol i ken pilai gut na stadi gut long skul. Olsem tasol bai ol i kamap gutpela man na meri bilong Papua Niugini.

Bilong save gut sapos pikinini bilong yu i gro gut, yu mas skelim em

olgeta mun. Pikinini i no gat sik i save kisim moa na moa hevi olgeta mun.

Yu ken go long klinik i klostu long yu na bai ol i ken skelim. Sista long klinik bai glasim tu pikinini bilong yu na em i givim wanpela liklik tiket bilong pikinini bilong yu. na long dispela bai ol i raitim namba bilong hevi bilong en olgeta taim.

EM GUTPELA KAIKAI



PRAIM SOLPIS LONG PRAIPAN

Yu mas bungim:

- Sampela solpis
- Sampela rais
- Sampela wara
- Sampela anien
- Sampela wel o gris bilong kukim kaikai

Yu mekim olsem:

Larim solpis i stap long wara inap 4-pela o 5-pela aua. . . . bai no gat moa sol long en. Nau rausim pis long wara na kapsaitim sampela plaua long tupela sait bilong pis. Nau yu tanim sampela plaua wantaim wara long wanpela plet na katim ol anien na putim ol liklik hap anien insait long dispela plaua na wara. Orait, nau yu hatim wel o gris long praiapan. Kisim wan wan hap pis na pentim long dispela plaua na wara. Nau praim pis long tupela sait bilong em. Em i pinis insait long 5 minit na i redi long kaikai.

**PREN BILONG YU
INAP OLTAIM**

AIR NIUGINI
THE NATIONAL AIRLINE OF PAPUA NEW GUINEA



NUPELA
SMOKBALUS
RESIS TRU LONG
BRINGIM YU LONG PLES

STORI BILONG TUMBUNA

SIKAU STILIM MERI

Wanpela meri nem bilong em Manu. Manu i go long gaden long kisim yam na mami. Wanpela sikau em i hait i stap insait long lip bilong suka. Manu i go klostu long suka, sikau i kirap holimpasim meri na karim i go long haus bilong em.

Sikau i karim Manu i go, em i kisim kanda na pasim gut haus bilong em. Man bilong meri em i painim meri bilong em i go na Juwe i askim em: "Yu painim wanem?" Man bilong meri i tok: "Mi painim meri bilong mi."

Juwe i tok: "Mi lukim meri bilong yu, sikau i karim i go long haus bilong em. Juwe i tokim man bilong meri: "Yu go long ples, paitim garamut na olgeta man i mas bung na yupela i kam. Mi bai katim rot i go kamap long haus bilong sikau."

Juwe i katim rot pinis, em i kam bek na wetim ol.

Em nau, ol lain man bilong pait ol i go. Juwe tu em i kisim tupela spia bilong

em, na i go pas long rot. Sikau i lukim ol man i go kamap, man, sikau em samsam nambaut long pait.

Olgeta spia bilong sikau em i sutim stret ol man.

Tasol lain bilong meri nogat tru, ol i no sutim sikau liklik. Sikau i abrusim gut spia. Ol i pait yet, Juwe i ran i go na pulim meri long haus bilong sikau na i go haitim meri long rot. Pinis, Juwe i go kalap antap long diwai na was i stap. Sikau i laik kalap na Juwe i sutim em.

Na sikau i tok, "Maski long yupela plantim mi long hul. Yupela mas kaikai mi." Em nau, sikau i dai na Juwe i ran i go long haus bilong sikau na kisim olgeta samting long haus bilong em. Pinis, Juwe i kukim haus bilong sikau.

Ol lain man i kisim dipela meri na karim sikau i go long ples na kukim sikau na katim na kaikai.

Joseph Wiski
Warimbi Komyunti-Skul
Torembi/Is Sepik Provins.



HALO TULTUL, MI RING LONG GOROKA... MI LAIK TOK TENKYU LONG YU, YU BIN TOKIM MI LONG STRONGPELA ARC-TITAN 22/5 WELDMESH, NA MI WOKIM HAUS BILONG HAIWEI TRAK. LAS NAIT OL RASCOL KISIM TAMIOK NA LAIK KATIM TASOL INO FIT, WELDMESH I STRONG MOA NA OL LUSIM. OL BOKS NIL MI KISIM IKAM I STAP HIA NAU OL PORO HAIWE DRAWA LAIKIM YU BAI TOKIM OL LONG WELDMESH TU.

GUTPELA TRU... LUKIM NAU BIPO YU TING HAUSWARA, WELDMESH I STRONG MOA... TENKYU... BAI BAI

ARC-TITAN Pty. Ltd. P.O. Box 1026, LAE. Tel. 42.3988.

PAS I KAM LONG OL PIPEL

TINGIM PIKININI BILONG YU

Dia Edita - Plis mi laik autim wanpela wari bilong mi long Wantok. Plis no rausim mi ausait. Em hia wari bilong mi. Bipo long tumbuna mi harim olsem. Yu no ken lukim pes bilong susa na mama na pikinini meri bilong yu. Papa i tokim mi olsem na mi holim tingting yet long dispela tok.

Tasol nau em i no gat. Yumi no bihainim dispela na planti yangpela man na meri i kisim bikpela bagarap pinis long kantri bilong yumi. Dispela trabel em long wanem as. Em dispela pamuk tasol i givim bikpela sik tru long yangpela pipel stret.

Long wanem mi ritim nius olsem long Lae siti, planti yangpela meri i winim 14 krismas i kisim dispela kain sik ol i kolim Gonoria. Dispela gonoria em i no kamap nating. Em long pasin pamuk tasol.

Plis traim na lusim dispela pasin pamuk. Na ol gavman minista tu mas lukluk

pastaim long dispela hevi kamap long kantri, pastaim. Na tu long ol papa na susa bilong yangpela meri. Plis traim na no ken salim pikinini meri long pasin pamuk.

Yu no sori long susa bilong yu na pikinini bilong yu. Olanan, yu wanem kain man na yu mekim pikinini, susa bilong yu kamap olsem p.m.v. na stua na pik bilong yu long salim na kisim mani. Man, nogat sem bilong yu stret.

Yu papa o brata yu mas was long susa o pikinini bilong yu olsem p.m.v.

Man yu no save sem long was long pikinini, susa bilong yu long em i ken givim dispela sik long narapela man. Na kisim i go na givim narapela brata-susa na kamap bikpela moa moa yet long kantri.

So ol brata na susa mi no tok long ol manmeri bilong Lae siti, nogat. Em long hailans na nambis na Papua sait tu. So em tasol. Husat brata o susa i bel pen, orait, rait long Wantok Niuspepa na mi ken lukim na bekim long yu gen. Tenkyu.

Paulus Waik, Erave/S.H.P.

MAS PUTIM LO

Dia Edita - Mi laik sapatim tok bilong Mista Paulus Benata. Long Wantok Niuspepa long 15-7-78. Het tok. "Asples Nogat".

Yes wantok mi ritim pas bilong yu na mi sapatim yu tu. Bikos bilip bilong mi. Em ol meri bilong Morobe provins, ol i no gat tru. Yu no inap painim ol o wanpela long ol i painim K2.00 bus.

Liklik wari bilong mi tu i go long ol bikman na wokman, wok long Provinsal Gavman long Lae.

Plis yupela i mas putim wanpela strongpela lo na rausim ol meri na man i raun nating long Lae taun. I mas go bek long provins bilong ol.

Mi bilong Lae na mi tok strong long provinsal gavman bilong Lae i mas hariap long dispela wari bilong mi. Mi sem tru long harim dispela tok K2.00.

Na las mun ol nius long V.D. o sik Gonoria. Mi no laik tru long harim narapela provins long bagarapim provins bilong mi.

Kisi Soni NGel, Port Moresby.

TOKTOK NATING

Dia Edita - Mi wanpela

lapun meri Simbu. Mi bekim pas bilong yangpela boi hia Leo Lare. Taim em go long wiken. Em save kam raun long Wahgi Eria na em i bin lukim lapun meri kain olsem mi. Wokim haus kaikai nabaut long Hailans Haiwe na kaikai olsem plaua. Na taim bilong tanim plaua, kus na tuhat wantaim kisim na givim yu.

Yu kam raun long dispela hap na wokim wanem samting na yu kam painim liklik repela plaua tasol. Na samting tru yu lukim na yu go komplek long ai bilong planti man na meri bilong Papua Niugini. Ating het bilong yu i pen liklik na yu toktok tasol. No ken komplek olsem long sampela taun.

Mipela man na meri bilong hap long Simbu mipela sem liklik long wanem olgeta man save komplek tumas long Simbu tasol. Em tasol wari na bekim pas bilong Leo Lare.

Maria Kula, Banz/W.H.P.



PASIN NOGUT

Dia Edita - Mi i gat liklik wari nau mi putim i go long Wantok Niuspepa long ol i ken lukim. Mi lukim ol meri Simbu i gat bikpela bisnis long olgeta hap liklik bus nabaut long Moresby siti.

Em ol kisim tok orait long husat bikman bilong lukautim dispela siti long ol i ken salim skin bilong ol long kisim K2 o olsem wanem?

Plis mi lukim stret long 4 mail bris hap sait long Gorden ol man save pulap i stap na mi ting ol i pilai kas. Nogat. Ol i pulap long Simbu meri salim skin long kisim K2.00. Na long Paga Hil klostu long solwara ol i pailim ston i go antap na insait ol salim skin tu long kisim K2.00. Mi lukim long ai bilong mi na i no stret tru.


Ol wantok, yupela ting em i gutpela pasin o pasin nogut ol i wokim. Long tingting bilong mi, mi ting ol i bagarapim nem bilong kantri bilong yumi PNG.

Mobeta yupela mas wokim wanpela haus na salim skin long kisim K2.00. No ken salim nambaut long bus. Yupela luk olsem pik na dok man save antapim meri long ples klia long ai bilong planti man.

Em tasol mi tok. Husat i gat wari, orait, rait tasol i go long Wantok Niuspepa. Bai mi ken lukim.

P. Titain Yom, Kiakae Parage, Boroko.

LIKLIK LEKTRIK BOKIS AIS.
EM I NAMBAWAN TRU
NA YU INAP BAIM.
LONG BRIAN BELL, BOROKO.



EM INAP LUKAUTIM
GUT KAIKAI BILONG YU.

Brian Bell & Co.
P.O. Box 1228, Boroko

Nem bilong yu

Adres

GSBB17

Brian Bell
TURUMU STREET BOROKO
TELEPHONE 25 5411

BAIM WANTOK

Sapos yu laik kisim Wantok niuspepa inap long wan yia (em i olsem 48 taims), yu katim dispela tiket long sis na yu salim i kam long mipela wantaim K8.00.

Nem bilong yu.

Adres bilong yu.

Salim sek o mani oda inap long K8 wantaim tiket i kam long :

WANTOK BOX 1982 BOROKO

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.

BISNIS GRUP

Long mun Novemba, long yia 1974, wampela nupela lo, em Bisnis Grup Inkorporesen Lo i bin kamap strong tru. Dispela lo ol i bin mekim long helpim ol Papua Niugini i stap insait long as ples long rejistarim ol bisnis bilong ol.

Lo i tok olsem: Sapos i gat tripela o moa pipel i kam long wampela bisnis o klen, na ol i gat strongpela laik long statim wampela bisnis, ol i ken rejistrarim bisnis bilong ol olsem wampela bisnis grup.

Tasol ol i mas i gat laik long wok wantaim ol pipel i no stap insait long grup. Taim ol i ranim bisnis bilong ol, ol i ken bihainim kastam bilong ples, o lo bilong tumbuna.

SAPOS MAN I LAIK KIRAPIM BISNIS GRUP EM I MAS BIHAINIM GUT OL DISPELA LO

1. Ol Papua Niugini tasol i ken statim Bisnis Grup, ol i ken kisim profit mani long wampela bisnis grup. Husat ol i no PNG na i kisim hap winmani long bisnis grup, ol i mas baim opis inap olsem K5,000 kina o go kalabus inap long tupela yia.
2. I mas i gat tripela papa bilong Bisnis Grup, na olgeta memba i mas stap aninit long pasin bilong tumbuna, o ol lo na kastam bilong dispela grup.
3. Sapos i gat pait o trabel namel long ol memba long dispela Bisnis Grup, ol lain man bilong stretim na pinisim ol kros na pait i mas sinaut long jas, o husat ol man ol i bin makim jas long dispela bisnis grup. Bai ol yet i ken stretim ol trabel na kros aninit long pasin bilong tumbuna, o lo na kastam dispela grup i save bihainim.
4. Ol ripot bilong grup long olkain samting i mas redi i stap. Sapos rejistra i laik lukim ripot bilong Bisnis Grup, em inap singautim ripot.
5. Kuskus bilong Bisnis Grup i mas givim risit o hap pepa long ol man taim ol i kamap memba.
6. Ripot bilong ol samting bilong Bisnis Grup olsem mani, haus, graun, ka na sampela arapela samting moa i mas i stap. Na tu ol i mas ripot long ol dinau ol i gat long ol narapela pipel, kampani o beng. Ol i mas redim ripot long wampela wampela yia na salim i go long rejistra bilong bisnis grup.
7. Sapos bisnis i bagarap na Bisnis Grup i gat dinau, ol memba bilong komiti i mas bekim mani. Ol komiti i mas ranim bisnis gut, sapos nogat bai trabel i painim ol.
8. Ol memba bilong grup i no mas bekim bek dinau sapos bisnis i bagarap. Em i samting bilong ol komiti memba tasol.
9. Nem bilong dispela Bisnis Grup i mas pinis long kain toktok olsem: "Bisnis (Inc) o Bisnis Grup (Inc). Tok orait i mas kam long rejistra bilong Bisnis Grup.
10. Long taim ol i wokim eplikesen bilong rejistarim Bisnis Grup, ol i mas baim opis long K10.00. Na sapos opis i no laikim aplikesen, dispela mani i mas go bek long Bisnis Grup.

Sapos yu gat strongpela laik tru long statim Bisnis Grup, moa gut yu go lukim wampela Bisnis Developmen Opisa klostu long hap bilong yu. Dispela opisa bai helpim yu long raitim na pinisim fom bilong yu.

Tripela bosman bilong Bisnis Grup i mas sainim fom na ol i mas salim i go long rejistra. Na tu rejistra i laikim sampela toktok i mas kam long Bisnis Developmen Opisa, na long wampela kiap, na tu long jas.




Poto antap i soim sampela memba bilong Honiya Asini Bisnis Grup long Lae. Ol i sanap insait long liklik sip bilong ol. I no longtaim i go pinis ol i bin baim. Ensin bilong sip ya i save ran long disil tasol. Bisnis Grup i gat sampela ol arapela bisnis tu.

Ol save yusim dišpela sip long karim ol kago (kopi, na kopra), na ol pasindia namel long Lae, Labutu, Busama, Bukawa, na ASini, insait long Morobe Provins yet.

Dispela haus bai stap olsem tasol inap planti yia moa, long wanem, ol anis i no inap kaikai Hardiflex faibro.

Hardiflex simen faibro i no save krungut, i no save sting, na i no save bruk isi, na yu no mas pentim.

Hardiflex faibro em i isi long yusim, i luk nais, na i no kostim planti mani. Em i samting tru bilong wokim olkain gutpela haus long Papua Niugini.



HARDIFLEX
building board.

Burns Philp (NG) Ltd. All Branches Steamships Trading Co. Ltd. All Branches Carpenters Hardware, Port Moresby New Guinea Co. Ltd. All Branches Gabriel Chow Sing Yip & Co. Rabaul. Bowmans (PNG) Pty. Ltd. Port Moresby & Lae. Bowmans Bodeco - Kieta




SAPOS LEK I BRUK



1.

Olgeta tok mipela i bin mekim long han i bruk, em tu i wankain long lek i bruk.



Namba wan samting em i olsem: yumi mas ankaim gut lek i bruk. Pasim wantaim wanpela hap diwai samting, bai em i stret na i no ken krungut.


Tasol namba wan pasin tru em hia: yu pasim tupela lek wantaim. O yu ken putim hap diwai namel long tupela lek, na pasim tupela lek wantaim olsem yu lukim long piksa.

Sapos skru bilong nildaun i bruk, orait, nau tasol yu ken putim plang aninit long lek na pasim.

Pasim long hankisip samting. Yu no pasim lek long rop o string o waia samting, bai blut i pas na lek i solap. Mekim olsem: pasim tupela lek antap tru klostu long as, na pasim klostu long fut, pasim namel tu. Klostu long skru bilong nildaun. Na wanpela samting: putim sampela lip o laplap namel long hap diwai na skin bilong sikman, nogut yu karim em i go longwe na skin i skrap long diwai na i tekewe.

Tasol nogut yu putim hap diwai aninit long lek, mobeta yu putim arere long lek na pasim.



2.



Katim dispela lesen na holim i stap. Bihain yu ken wokim buk long en. Planti moa bai kamap.


Aveling Barford Pacific Pty. Ltd. For your civil engineering, agricultural and domestic machinery.

Graders
Weight range 11,000-19,000 kg
All Wheel Drive and Steer
Conventional
Leaning Wheel
Hydraulic Controls
Powered by Leyland or
G.M.
Powershift or Standard
Transmission



Front End Loaders
Bucket Sizes of 1.3 cu.
metres to 3.82 cu. metres.
Pivot or rigid frame available
Logging Attachments

Rollers
Vibratory Rollers
Self-propelled or Towed
Hydrostatic Drive
Pivot Steer
Asphalt Conversion
Padfoot Roll



**Head Office: Ume St., Gordon, Port Moresby,
P.O. Box 6457. Phone 257166. Telex 22206.
Lae Depot: Morobe Ave, P.O. Box 1191, Lae.
Phone 424188. Telex 42411.**

OL TESTAMEN STORI

KWIKTAIM OL MANMERE I TOKIM OL BETLEHEM LONG DISPELA SAMTING. OL I SAVE LONG BOAZ, LONG WANEM EM I GAT BIKPELA HAP GRAUN. TAIM TUPELA I MARIT, OL I MEKIM BIKPELA KAIKAI NA OL I WOK LONG AMAMAS I STAP.

ATING YU TU YU AMAMAS?

TRU YA! BEL BILONG MI I GUTPELA TRU. GOD I MEKIM GUT MOA YET LONG MI.



Tumbuna Bilong Wanpela King

Rut 4

HAP NAMBA 3

Stori inap nau.

Boas i baim graun pinis, na nau em inap maritim Neomi. Nau ol i tekim marit pati.

BIHAIN LONG MARIT RUT I GO I STAP LONG HAUS BILONG BOAS. BIHAIN BIHAIN EM I KARIM PIKININI MAN, NA TUPELA I KOLIM EM OBET. AS BILONG DISPELA NEM, WOKBOI. NEOMI I LUKAUTIM GUT DISPELA PIKININI.

RUT, MI TENKYU TRU LONG GOD LONG YU BIN LUSIM MOAP NA YU STAP WANTAIM MI NAU. NAU MI GAT PIKININI BILONG LUKAUTIM MI NAU MI LAPUN.

EM I STRET. MI TU MI TENKYU LONG GOD. OL LAIN BILONG YU I KAMAP LAIN BILONG MI YET, NA GOD BILONG YU, EM I GOD BILONG MI.




MI BETEN OLSEM BAI EM I MEKIM GUTPELA WOK LONG GOD NA OL PIPEL BILONG GOD.

GOD I HARIM PREA BILONG RUT. NA PIKININI BILONG EN I KAMAP TUMBUNA BILONG DEVIT, NAMBWAN KING BILONG ISREL. DEVIT I WINIM OL BIRUA NA MEKIM ISREL I STAP FRI.



Used by permission of the David C. Cook Foundation. Copyright 1973, David C. Cook Publishing Co. All rights reserved.

WANTOK SPOT PES



YU INAP PAINIM OL WANTOK?

← Poto i soim Kapit tim i pilai wantaim Wantok tim long Hubert Murray. Kapit i kisim 2-pela gol, na Wantok O. Kirap long lephan bai yu lukim Paula Chukutin bilong Manu (Kapit), Elma Bong bilong Popondetta (Kapit), Namo Mea bilong Vabukori (Wantok) na Cecilie Noga bilong Popondetta (Kapit).

Poto antap long lephan i soim Yunivesiti tim i pilai wantaim Sunam long Boroko. Kirap long lephan bai yu lukim wanpela man bilong Sunam i resis wantaim Matus Irae (Manus) bilong Yunivesiti. Yunivesiti i kisim 1 gol na Sunam i kisim 1 gol.

Poto antap long raithan, yu ken lukim Ventura i pilai wantaim Moresby. Ventura i kam long Amerika na pilai long sampela ol bikpela taun hia long PNG. Ventura i kisim 89 poin na Moresby i kisim 64 poin.

